


Bible for pikin dem  
di show

# The Start for Man e Sadness



Na write am: Edward Hughes

Na describe am: Byron Unger; Lazarus  
Alastair Paterson

Na match am: M. Maillot; Tammy S.

Na translate am: [christian-translation.com](http://christian-translation.com)

Na produce am: Bible for Children  
[www.M1914.org](http://www.M1914.org)

©2021 Bible for Children, Inc.

License: You get right for copy or print this  
tori so far as you no go sell am.



PAPA GOD MAKE ALL TIN DEM!

Time way papa God bin make the  
number one man, Adam, e bin di stay  
inside Garden for Eden wit e woman,  
Eve. Dem bin be very happy and di  
follow papa God e tok and  
be di enjoy for di dey with  
papa God soteh  
one day ...



"Papa God be tok  
for wona say make  
wona no chop for all  
tree dem nor?" Na  
snake ask am for Eve.

"We fit chop for all fruit dem  
but except one," e answer.

"If we chop or toch dat  
fruit, we go gie." The  
snake tok say "Wona  
no go die."



"Wona go be like  
papa God." Eve be  
want taste the  
fruit for dat tree.  
E hear wetin dat  
snale tell e and  
chop dat fruit.



After way Eve no follow papa  
God e tok, e too make am Adam  
chop the fruit. Adam for tok  
say, "No! I no go deny for  
follow papa God e tok."






Time way Adam and Eve make  
that bad tin, dem den no say dem  
no wear close. Use leaf dem make close  
wear am for hide their skin from papa God.



For evening time, papa God came for garden. E be no wetin Adam and Even don do. Adam blame Eve. Eve blame the snake. Papa God tok say, "The snake be cursed. Woman go di suffer plenty time way dem go want born pikin." "Adam, becos say you don do bad tin, dis ground don be curse wit strong tin dem. You go di suffer plenty before get something for chop."







Papa God troway Adam and  
Eve outside dat fine garden.  
Becos dey do bad tin, papa  
God move dem from the fine  
life way all dem  
be di live am!



Papa God make some sword for  
keep dem. Papa God make close  
dem for cover Adam and Eve  
their skin. Na for  
woside papa  
God take dat  
close dem?

As time be di go, Adam and Eve get their own family. Their number one boy pikin way e name be na Cain, be di do na garden work. Their number two son way e name Abel, be di keep na sheep dem.



One day Cain bring vegetable dem for papa God as gift. Abel bring one of e best sheep for papa God as gift. Papa God be over like Abel e gift.



Papa God no bi over like Cain e  
gift. Cain be over vex. But papa  
God tok say, "If you do tin way e  
correct, dem no go accept you?"




Cain e vex no  
finish. After dat,  
e attack Abel for  
field and kill e!



Papa God tok for Cain. "Abel,  
wosy ya brother?" Cain tok lie say  
"I no know". "Na me di keep ma  
brother?" Papa God punish Cain  
and make am say make e no fit  
still work farm or catch meat.



Cain comot for papa God e front. E marry Adam  
and Eve their girl pikin and dey make their family.  
After, pikin dem for pikin dem for  
Cain e pikin dem flop the town  
way e be find am.






Na so, Adam and Eve their family be  
di grow quick quick. For dat time,  
pipo be di live for long pass today.



Time way Eve born Seth, E tok say,  
"Papa God don give me Seth for replace  
Abel." Seth be di follow papa God e tok  
and live soteh for 912 years and be  
get plenty pikin dem.



For this world, pipo dem be di get bad heart from one generation to another. Finally, papa God decide say e go spoil back man and all animal and birds dem. Papa God bin be very sorry say e be make man.



But papa God  
be like one  
man ...



This man bin be na Noah. Way na  
Seth e pikin, Noah bin be very kind  
and di follow papa God e tok. E be  
di work with papa God.



E bin too teach e three pikin for  
follow papa God e tok. Just now papa  
God plan am for use Noah for some  
strange and special way!



# The Start for Man e Sadness

Tori from Papa God e tok, way na Bible,

dey inside

Genesis 3-6

"When you tok dem di enter e di bring light."

Psalm 119:130



The End



Dis tory for bible di tok for we sika wa wandaful  
God way make we and way want am say make you sabi yi.

Papa God sabi say we don do bad tins dem, way e di call am say  
sin. Punishment for dis bad tin na die, but papa God like we  
sotey e send e only boy pikin, Jesus, for came die for cross for  
sika our bad tins dem. After Jesus wokop for die den go him  
back for Heaven! If you mimba for Jesus and ask e for forget  
all your bad dem, e go do am! E go cam stay wit you  
just now, and you go di stay with e for ever.

If you mimba say dis one na true, tok dis one for papa God:  
Papa Jesus, I mimba say you be na Papa God, and you  
become man pikin for die for sika my bad dem, and now you  
di live again. Abeg came for inside my life and forget  
all my bad dem, so dat I fit get another life just now, and  
one day I go be wit for ever. Helep me for obey you  
and stay wit you like your pikin. Amen.

Call Bible and tok all day wit papa God! John 3:16

